

# Экин омг

Приютненск района 4-ч номертә совхозин, сән дамшлтта, түрүн нуурт йовх кәдлмшчирин хург болв. Тер хург деер кесг кәдлмшчир мәрәлгдцхәв. Мәрәлгдсн әмтн дунд Семенова Лидан нерн бас гарв. Лидан өөр суусн экнь байрлчкад, хойр нуднәснь нүлмсн асхрв.

Хург тәгсәд, әмтн тарад хәрх цагла Лидан экнь Дарья Петровна хамгин сүл болдж клубас гарв.

—Та, Дарья Петровна, йир сән үрд өсгдйт. Орн-нутгтан сән үрд гаргьсндан омг зүүдж болджана—гидж совхозин парторганизацин сегләтр келв. Тнигдж йовтл, совхозин директор үр Киселев күүндврт бас орлцв.

—Лидад тадн байрлджант?  
—гидж сурв.

—Ўвлин киитнд хөбдин ард йовна гидг—йир кунд кәдлмш, бичкн күүкн тесдж чадх уга гидж санджалав.

—Алти мисхл бичкн болвчн унтә болдг,—гидж Киселев келв.

Тегәд Лида экиннь болн үүрмүдиннь чирә улалгьсн уга. Йоста сән хөбч болдж гарв.

Семенова Дарьин гер-бульн Советск йоснла газр тавгддж батрад, әмтилә әдл джиргьлтә болла. Зуг Төрскән харсгч дән экләд, джиргьлтә сән төвкнүн бәәлгьиг таслв.

—Залум Төрскән харслгьна дәәнд орад, әмән өглә. Терунәс нааран гар деерән дөрвн

бичкн күүкдтә улдләв,—гидж Дарья Петровна келв.

Күүкд асрдж, өсггьнд совхозин гардачир сән дөнъ болджав. Ода Семенова Дарья Петровна ямаран-чигн түрү уга, бәәхтә бәәнә.

Өдгә цагт үр Семенова совхозин централнь усальб деер шанъгьа сарул, у герт бәәнә. Эврә мал-герәс болхла,—нег тугьлта укр, хөд, бордджах нег гаха болн така-шовудта. Түрү-зовлньг уга, джиргьлтә сәәхн бәәлгьәр бәәнә. Күүкдин хувц-хунрнь авдртнь багтджахми уга.

Семенова Дарьин нег күүкнь тракторн бригадин хот кедгт, дарукнь совхозин тәрәтемс тәрлгьнд, гурвдгчнь хө хәләдгт кәдлдж йовцхана. Көвүнъ Советск Аәрмд цергдджәнә.

Орн-нутгтан икәр мах, тос, ноос өгхин төлә эврән сән дурарн хөбч болсн Лида хөбдән сәәнәр \*хәләдж, асрсндан эн джил нег хөн болгьнас 6-н килограммас үлү торгьн ноос киргьдж авб.

1958 джил эрт хаврар хөбдән Лида хургьлулхми. Тегәд эн кәдлмшт эртәснь сән белдвр кеджәнә. Хаша-хаацнь ясгдсн, увлин туршарт күрмшимтә теджәлнь белн болчксн бәәнә.

Совхозин кәдлмшчир дунд Семенова Дарьин күүкн—Лидан нерн туурв. Тнигхлә экин седкл улм омгта болв.

А. БУРМИСТРОВА.